



La canzone è stata interpretata da Vittorio De Sica.

Si tenesse 'na cumpagna

Musica di Pasquale Frustaci

Si tenesse 'na cumpagna
che m'aspettasse fore a 'nu balcone
'a chiammasse d''o pentone
pe' dirle: «Arape 'a porta so' turnato a faticà».
'Nu pranzo a core a core:
«Me vuò bene?» «È m''o dimande?
Tu si tutta 'a vita mia».
Si tenesse 'na cumpagna,
m''a sentesse cu' piacere 'sta buscia.
Ma sta gioia chi m''a dà?
Chi m''a dice 'sta buscia?
Si 'a cumpagna nun ce stà.
Si 'a cumpagna nun ce stà.

Si tenesse 'na cumpagna
ca pe' vestì vulesse mare e monte,
me scippasse ll'uocchie a fronte
pe' farle veste 'e seta, tutte 'e primma qualità.
Che fa si a me vicina
cchiù elegante se mustasse,
tutta 'a gente 'a guardarrìa.
Si tenesse 'na cumpagna,
me paresse assaje cchiù doce 'a gelusia.
Ma sta pena chi m''a dà?
Chi m''a dà 'sta gelusia?
Si 'a cumpagna nun ce stà.
Si 'a cumpagna nun ce stà.

Si tenesse 'na cumpagna
cchiù nun passasse 'e notte 'mmiez''a via,
stesse sempe a casa mia
pe' darle tutt''e gioie
ca nun dette maje a te.
N'ammore vularria
pe' pentirme 'e tutt''e vase
ca 'sta vocca nun t'ha dato.
Si tenesse 'na cumpagna,
me sentesse cu' piacere 'nammurato.
Ma 'st'ammore chi m''o dà?
Comme songo 'nammurato,
si 'a cumpagna nun ce stà?
Si 'a cumpagna nun ce stà.